

LE T²⁹ T R E
E N V O Y E E

A MONSEIGNEVR
le Duc de Guyse, par
la Martegalle.

Sur la mort du Marquis d'Ancre.



A PARIS.

Chez l'avefue HVBERT VELVT,
& PAUL MANSAN, demeurāt
ruë de la Tannerie.

M. DC. XVII.

Acc 88-667(11)



A MONSEIGNEVR,
M O N S E I G N E V R L E
*Duc de Guyse, Pair de France, & Lieu-
 tenant general pour le Roy au pays de
 Prouence, Admiral des mers du Leuant,
 & Lieutenant des armées du Roy.*

MONSEIGNEVR
 Le commū des femmes
 sont reprinſes pour trop
 parler, & moy ie crains de n'eſtre
 blaſmee apres vn ſi long ſilence,
 pour auoir directement failly a ce
 que i'ay retardé de vous faire en-
 tendre la iuſte vengeance de dieu,
 exercé ſur la perſonne du Marquis
 d'Ancre, & par conſequent la
 commune reſiouyſſance des Pari-
 ſiens, qui ont aplaudy ſur vne ſi
 honorable executiō. Les marques
 de ce tragique euenement ſeront

cogneues à toute la posterité presente & aduenir. Ie donne la gloire à ce braue Roy qui nous a voulu rendre cogneu son iugement par vne execution si prompte, & son courage remarquable par le conseil d'vn si bas aage, qui comme bon maistre a voulu desengager ses subiets de la cruauté que ce tyran nous menassoit.

Ie vous puis asseurer Monseigneur que i'ay fait feste de la veille d'vne si belle fortune, coup du Ciel qui sembloit que sa gloire deuoit obscurcir ma fortune, & voiler la splendeur de ma felicité, ce qui me fait croire que ie suis la plus grāde profetereffe du monde ce que i'ay predict, conseillé de mon bon genie, le bien que nous auons veu arriuer si apres, & qui nous a rendus comptans, se dont

que mon esprit excède en facultés
 du Ciel, & quelque particuliere
 influence celeste occupe les thre-
 fors de mon entendement. Je ne
 m'estonne pas si tout le monde
 m'ayme, des petits au plus grand,
 car ie suis le bras de la France, ie
 mets la paix quand ie veux voir,
 ie donne l'intétion aux hommes
 au gré de mon apetit.

Je ne me doibs pas estonner si
 Monsieur le general des Galleres
 m'a demandee au Roy, pour m'a-
 mener à Marseille, & vouloir pri-
 uer la Cour d'un si precieux gage
 que moy qui deuoit triompher
 avec sa Majesté de la mort de ce
 Midas doré, & de ce veau an-
 giponé qui nous escorchoit sans
 nous faire crier, & nous conten-
 ter des apparences. O allusions
 manifestes qu'il aye fallu qu'un

estranger aye tant incommodé la
 France , & nous rendre mescon-
 tans pour auoir priué nos yeux
 de la présence de Messieurs les
 Princes que nous cherissons à l'e-
 gal de nos vies, & dont la vertu est
 signalée à tout le monde , est il
 possible que les charmes nous aye
 close la parole, & desrobé le cou-
 rage pour nous garder de plaindre
 que cest idole d'or, obiect des fols
 ombres de mauuaise fortune, tre-
 sorier sans rendre compte des fi-
 nances, auoir accoustumé de dire
 en ses discours familiers qu'il vou-
 loit voir ou la fortune d'un hom-
 me pouuoit arriuer. Les Geans
 firent ils iamais plus de folie d'en-
 treprendre d'antasser les mons sur
 les mons pour assaillir les cieux , &
 vouloir prendre la Lune avec les
 mains, que se pauvre fol, de songer

de ce faire Prince ou Roy, mais il à fait cōme vn Icare qu'il a fondu ses ailles au milieu de son basteau, & ses mauuais desseins ont eclipsé au gros de la fortune. L'exemple de plus grand que toy te deuoit il pas rendre sage, leurs mauuais fortunes te deuoit il pas faire toucher au doigt que Dieu mettroit en euidance tes mauuais desseins, & qu'il est protecteur de nos Rois, & deffenseur de ses subiets: courage François, la mort de ce seul hōme à calmé l'orage d'vne mere de guerre Ciuilles, & nous auons triomfé d'ou il ny auoit point apparence de victoire.

Nous deuons beaucoup au souuenir de ses braues Guyfarts, qui sont tousiours esté employés au seruice du Roy, & ont tant tesmoigné de courage digne de leur

maison eroïque, appuys des François, & diligens obseruateurs des loix de sa Majesté, les preuues de leurs actes passees nous en font croire la verité.

Oray-je donc le courage de parler de Monseigneur frere du Roy, ieune fleuron de France, vraye image de la maison de Bourbon, Thresor de toutes les vertus du monde, heritier de tant de beaux enseignements, dont la posterité fera à iamais obligée, de Monsieur de Breues, d'une si belle norriture, qui rait l'estonnement de tout le monde. Madamoyselle de Montpensier sa Maistresse, n'est pas moindre en raretés & beautez du corps que aux perfections de l'Amme, qu'on donne des merueilles a sa prudence & sagesse, estant d'un bas aage.

Je vous auiſe Monſeigneur, qu'il
 ne ſe fait maintenāt rien a la Cour
 que ie ne ſçache, car ie ſuis la Cibi-
 le enuoyée de Dieu des plus froide
 regions d'Afrique, ny ne s'entre-
 prend rien que ie n'octoriſe, car
 c'eſt la volonté de mon maĩſtre
 qui eſt le Roy, qui ſe ſert volon-
 tiers de mes conſeils, les plus grāds
 font eſtat de moy, mes ennemys
 ſont eſtonnez de mon bien, &
 mes amys en ſont contens, en fin
 les propheties ſeront accomplies,
 ils diſent qu'au dernier temps il ny
 aura qu'un Dieu, vn Roy, vne Foy,
 & vne Loy, ie repreſente la Loy
 que comme Sibille ie donne des
 loix & bon conſeil à tout le mon-
 de, ie doy ſucceder miraculeuſe-
 ment en neuf Royaumes poſſedé
 par les infidelles, leſquels Royau-
 mes conſinent le mōde. Outre plus

ie dois espouser sept marys, cōme
 est porté par les propheties, les
 quels sans diuision doiuent iouyr
 de moy par sepmaines, sans qu'il
 soit portés des mauuaises intētiōs
 ny de ialousie, en ce temps la les
 femmes seront sterilles que ie fru-
 ctifieray, ie doibs auoir des enfans
 pour maintenir le monde de neuf
 en neuf sepmaines. On fera dresser
 des statues de moy par tout l'vni-
 uers, d'or & d'argent & d'autre
 metaux, & l'on fera chose à l'ido-
 latrie de ces ymages que ie n'ose
 dire, i'enflammeray tout le mon-
 de de mon amour, & auray plus
 de pouuoir sur les hommes en
 qualité de Sibille, que n'a eu le
 Marquis d'Ancre en qualité de
 forcier, ie seray doux aux affligez,
 & rigoureuse aux factionnaires, les
 trois estats seront contans de ma

prosperité, premierement la noblesse qui se preuaudra de mes liberalitez pour en obtenir de grosse pensions à ceux qui s'en redront digne. l'Ecclesiastique sera maintenu, & le peuple ne sera pas foulé, de faict qu'on admirera vne grande preuoyance en la regence de mes Royaumes, pour autre telmoignage de ma grandeur ie seray traînée dans vn chariot fort superbe, enrichy de toutes couleurs de plumes d'Erons & d'Austruche, lesquels sera traîné par deux oyseaux d'un immense grandeur, venus du Paradis terrestre, lesquels oyseaux ne viuront que de l'air comme le Camelion, ie dois donc iouyr de ces felicittez l'espace de sept ans, qu'e fin lassée des plaisirs du monde. Ie dois faire bastir vn monastere que iamais le

Temple de Salomon ne fut plus superbement edifié n'y avec plus de sumptuosité ny derichesses, ledict Monastere doit estre fondé de trois cens pucelles, aagees de dix huiet ans de plus belles qu'on pourra trouuer en toute la Chrestienté, & trois cens Religieux de vingt ans chacun, dont l'en dois estre l'Abesse, lesquels Religieuses & Religieux ne doiuent viure que d'amour, & finir mes iours en ceste belle compagnie & charmer par ce moyen l'oyfueté des ennuys du monde.

Monseigneur pardonnez moy si i'ay entrepris d'exiber au public ses rudes conceptions, toutes fois i'ay telle cognoissance de vostre bon naturel que vous receuerez le sacrifice de ce mien labeur que ie vo⁹ offre du profod

de mon cœur, & de l'humilité de
mes vœux zelez, j'espere qu'en
faueur de mon contentement
Monseigneur vo' me permettrez
de m'eterniser pour vostre tres
humble & tres obeyssante & plus
fidele seruantela

MARTEGVALLE.

Royne de Saba, de Hierusalem, de
Thiopie, Portugal, Capadosce,
Cypre, la Bassepouille, des
Taupinābours, de l'Amerique,
des Indes Orientales & Occidēta-
les, Admiral des mers du Le-
uant & Ponant.

FIN.


de mon cœur, & de l'humanité de
mes vœux, & de l'attente d'un
savour de mon contentement
Monsieur, je vous prie de me permettre
de m'excuser pour votre très
humble & très obéissante & plus
fidèle servante.

MARTINELLE

Royne de Saba, de l'Ethiopie, de
Thiopie, Portugal, Capadoce,
Cyprus, la Bassouille, des
Tapirobours, de l'Amérique,
des Indes Orientales & Occiden-
les, Admiral des mers du Le-
vant & Ponant.

FIN

BOSTON PUBLIC LIBRARY



3 9999 05291 495 7